

ORANJESTAD (AAN): Un tempo e tabata e lugar preferi pa tur deportista! Varios di su atraccionnan sea ariba e tereno deportivo como e tereno cultural y ambiental tabata eyan.


Cuanto di nos jovennan mes, fuera di esnan residencia den e Colony tempo di Lago, no a disfruta y practica mas di un deporte den un ambiente amical, y di canchannan bon mantene.

Varios ta e deportenan cu a trece hasta competencianan di caracter internacional, pa cual awe, nos tin di mira tur esakinan den un gran parti abandona, y destrui despues di tanto ratonnan di emocion den competencias nan a yega di mantene.

Tal manera un di e fotonan ta ilustra e cancha di tennis, e tereno di softball, cricket, y hasta futbol. E pregunta ta keda "con por ta posibel den haya un lugar cu tin tur cos, y esaki ta bai perdi den uno bandona, pa keda den olvido?"

E Colony cu ultimamente a bini den tanto noticia, no solamente e casnan, ocupantenan sin permiso talvez, e teatro, e bowling alley, y e Esso Club, unda tabata e escenario di tanto encuentros amical y di e visitantenan cu a bini pa realiza encuentronan deportivo den Lago Colony.

Speranza ta ultimo cu ta bay perdi, y ohala cu Lago Colony por bolbe un biaha mas na e calidad di man-



Aki por mira con e tribuna di e Cancha di Tennis den Lago-Colony ta actualmente...



E tribuna di Lone Palm Stadium si keto bay ta acceptable, aunke nan ta keha di e tereno...



E plastico pa tapa biento mes ta hopi gasta y ta crea un mal imagen pa e Cancha di Tennis...

cu e parece un deposito di sushi, envez di un lugar pa hunga tennis.

E unico cu ainda ta basta bon ta e Lone Palm Stadium. Aki ainda tin actividadnan Deportivo cu ta ser practica, pero kehonan tin constantemente di e mal condicion di tereno.

Por a tende recientemente cu un grupo ta interesa pa acerca Gobierno cu un plan pa asina duna e lugar un metamorfosis y lage bira un centro di Deporte sin igual na Aruba.

DIARIO tambe ta interesa pa sa di su lectornan, ki sugerencia nan tin pa e terenonan deportivo aki na Colony. Si acaso lector tin un idea, por favor mande na P.O. Box 577 y esaki lo yega na esnan concerni.

Algun tempo pasa un lector hasta a yega di duna un opinion publico, mustando cu lo ta un bon idea pa Lone Palm Stadium tambe haya instalacion di luz, pa asina Softball por worde practica na e sitio.

E lugar aki berdaderamente ta ideal pa deporte. Aunke tin un tiki biento di mas, su lugar pa staciona auto ta fabuloso y ta algo cu bo no ta haya tur lugarna Aruba.

tencion y diversion cu e tabatin antes, ya cu speranza ta e ultimo pa perde, pero mientras tin speranza por yega na mehoranza, ohala cu esey ta cierto.

Fotografo di DIARIO tabata di paseo den fin di siman na e sitio aki. Por ripara cu e Cancha di Tennis ta perdiendo e bataya contra e aire di saltpeter. E ta perdiendo e bataya contra e solo fuerte. Parti di su dak ya caba a declara su mes perdi contra e guerra di biento.

E foto mas ariba mes ta duna e lectornan un bista con e Cancha aki a keda. Na banda por mira un foto di e muraya tambe cu ta laga e lugar haya un imagen